

دائرة مخصوصه

درسعادته باب عالی جوارنده

محل اداره :

مشرط القبر

اخطار :

مسلكمزه موافق آثار جديده مع المنوئيه
قبول او انورد

درج ابدنه بن آثار اعاده او تاز

ديره، فلسفه، علوم، حقوق، ادبيات و سياسيات و بالخاصه كرك سياسي و كرك اجتماعي و مدني احوال و مشورته اسلاميه و در بحث ايد و هفته در نشر انور.

صاحب و مؤسسلری :

ابوالعلا زين العابدين - ح . اشرف اديب

آبونه بدلی

سنه لکی التي آيلنی

ممالك عثمانیه ايچون	۸۰	۴۰	غروش
روسيه	»	۶۰۵	روبله
سائر ممالك اجنبيه	»	۱۷	فرانق

تاريخ تأسيسی

۱۰ تموز ۳۲۴

قبرله دن مقوا بورو ايله كوندريليرسه سنوی

۲۰ غروش فضله آلنیر

دردنجی جلد

۱۷ جمادی الاول ۳۲۸ پنجشنبه ۱۳ مایس ۳۲۶

عدد : ۹۰

حیرت افزا بر تها لکله علیهمزداظهار شدت خصوصنده اوروپایی
سوق و تحریک ایدن سبب ، - مضمون و مآلندن فداکارانه بر فراغ
واخوتشعارانه بر یکوجودی آکلاشیلان - دین اسلامک تحت تأثیرنده
تشکل ایتش اولان شخصیت معنویه مزه قارشى حس ایتدیکی درین
بر مباعدتدر . بزده هیج مسامحه ایتدیکی برش وارسه ، اوده ، تفکر
وغایه سی اعتباریله کندی شخصیتندن بسبتون بشق اولان شخصیتمزددر .
بو مشرقی شخصیت که ، اشکال ظاهره مطاوعتکارانه سنه رغماً فعال
و منازعدر . غربک شرقه تحکمنه قارشى طبیعی ، فقط هنوز بی بحث
بر دشمن در . اویله بر دشمن که ، قوتی دائماً کدرلرندن آلیر ،
وغربک ربه سندن شرقک خلاص اوله رق حقیقی بر ترقی به مظهریتندن
عبارت کوردیکی مقصد اصلینک غلبه نهائی سنه اعتقادی طولانیسیله
آتش انتظارله یانار .

بیانات و ایضاحات مسروده دن بر صورت واضحده آکلاشیلیر که ،
حقیقته ، تعصب اسلام تعبیری اسلامک خرسیتانه بغض و عداوتی
افهام ایتز . بلکه غربک شرقه عداوت موروثه سنی تفهیم ایدر .
شو سطرلری یازمقندن مقصدم ، بغض و عداوتی ترید دکدر .
انجق قدرک یان یانه امرار حیاته محکوم ایتدیکی ، و بناءً علیه طائشقمق
و آکلاشمق خصوصنده عینی فائده به مجبور و بلزوم ایلدیکی ایکی قسم
عظیم بشر آراسنده مناسبات عادی طبعیه نک تأسسنه مانع اولان
خطرناک خطالری جرح و ابطال ایچونددر .

بو خطالرک مسئولیتلری منحصر آغربه توجیه ایتکده انصافسز لئندر .
بالعکس شرقده بوکا بالغاً مبالغ اشتراک ایدر . چونکه ، حقیقتمزى
ادراکه اوریا موفق اوله مامش ایسه ، بونی اکا طائقمق ، بزه عائد
بر وظیفه ایدی .

انسان ، خطالری ، غلط تفهملری ازاله ایتکله همجنسک سعادتنه
چالیشیر . زیرا همجنسک خطا و نکتی اوزرینه مؤسس اولان سعادت ،
حقیقته بر فلاکتدر . آرزو و امید ایدیه جک حقیقی و دائمی سعادت ،
هر کسک حصه دار اولسی ، و خالص و صمیمی بر مباحثه نک تجلی
ایتدیره جکی حقیقت اوزرینه مؤسس و پایدار و لئسی لازمکن سعادتدر .

مؤلفی فرانسه زجه دن مترجمی

محمد طاهر خیرالدین

هلال و صلیب منازعه سی

نام اثر معتبردن

مدنیت مقننه بعضه مطالعات

شرقده توسیع مستملکات مقصدینی تأویلاً آوروپالیر طرفندن
اختراع ایدلمش اولان « وظیفه تمدن » کلامنک ماهیتی فی الواقع بر
زماندنبری شرقیلرجه لایقيله آکلاشیلمغه باشلشمشدر . مع مافیله بوبابده
آکلاشیلمغه محتاج بر حال دها واردر که اوده ممالک غربیه خلقندن
بر قسم کلینسک بویله بر « وظیفه تمدنیه » نک آوروپالیر معرفتيله

اجراسنه اهل شرقک اشد احتیاجی بولندیفنی قویاً ظن ایللریدر ؛
بناءً علیه آنلرک ذهانجه بویله بر وظیفه تمدنیه صرف بر خدمت
انسانیتکارانه در . ازمنه قدیمده اقوام شرقیه نک بر حیات تمدنیه
ومالی غربیه دن دها عالی حسیات انسانیت پرورانه مالک اولمش بولندقلمش ،
شرقک مهد مدنیت اولدیفنی ونور ترقینک شرقدن کلش ایدوکنی
غرب خلقنک یالکیز یک آز بر قسمی تأمل ایدم بیامور . برده « عالم
مدنیت » تعبیرینک آنجق عالم نصرانیت حقنده استعمال اولنه بیله جکته
و عالم شرقک یا نیم متمدن اولدیفنه و یا بوسبتون باربارلق حالنده بولندیفنه
دائر غربیلرک اکثریسی آره سنده بر ذهاب موجوددر .

مسئله یه شرقیلر نقطه نظرندن باقیلورسه بوزهابک بطلاننه قائل
اولمق اقتضاسا ایدر ؛ زیرا آنلرجه عالم غرب بر « عالم ترقی » در .
ایمدی ماده وقوع بولان ترقیات عظیمه دن طولانیلیر که بر قاچ
عصردن بری آوروپالیر شرق اوزرینه اجرای تحکیم ایدم بیله جک
بر موقع قزاقلشددر . ایجاد فنی و اختراع صنایع سیبیلله فرنکلر قوه
مسحرانه یی حازی بونجه سلاح تفوقه مالک اولمشلر و بوسایه ده شرقده
انفاذ آمال و اجرای تحکمه قویولمشلردر . تاریخ شرقه آشنا اولنلرجه
معلوم بر طاقم اسباب اساسیه دن طولانیلیر که اهل شرق غربیلر ایلله
موازی بر صورتده طریق ترقی ده یوروومک اقتدارندن محروم قالمشلردر .

مسئله یه ینه شرق نقطه مباحثه سندن کیریشیلنجه آوروپا خلقنک
« مدنیت » کله سنی بر خطای فاحش ایلله قوللاندقلمش میدانه چیقار ؛
زیرا ترقیات ماده صفات تمدنیه یی یالکیز غرب خلقنه تخصیص ایچون
بر سبب کافی اوله ماز . مدنیتک برده جهت معنویه سی اولمق اقتضا
ایدر که ایشته بو جهت معنویه ملاحظه اولندقدده غربیلرک مدنیتی
کندیلرینه حصر ایتلرند که ادعا تسلیم اولنه ماز . آوروپا مدنیتک
فضائلنی ترویج و تعمیم ایلله اوغراشان بعض کیمسه لرک ادعالرنجه مذکور
ترقیات ماده ملل نصرانیه یی حسیات عالیله و فضائل معنویه اکتسابنده ده
سوق ایتش و بوسبیلله ماده اولدیفنی کی کافه فضائل معنویه جهتيله
دخی آنلری مالی غیر نصرانیه نک فوقنده بر مرتبه یه ایصال ایلش !
واقعا بوادعا یک معقول بر صورتده اختراع اولنش ایسه ده نه فائده که
بوکی مدعیات مرتبه یه اهل شرق طرفندن بلا تأمل قناعت اولیو .

یره جک دورلر کچمکده بولنمشدر . بناءً علیه عالم نصرانیت تفوق معنوی
حقنده کی ادعاسنی مثبت احوال و حرکات ارائه ایتدکجه حسیاتنک
او ترقیسی عالم غیر نصرانیت عنسدنده افکار حیلله کارانه نک انشراح
اولمق اوزره تلقی ایدیه بیلور و او افکار خدعه کارانه ایلله شرقیونی
آلداتدیفنی ، مغالطیه بوغدیفنی ذهابی کسب تقویت ایلر . غربک
او ترقی ذهنیسی دانش و معارفک توسع عظیمه مدار اولدیفنی انکار
ایدیه من ؛ فقط معارف و معلوماتک بوسعت ترقینک بر تکمیل معنوی
احداث ایلدیکی کوريله ، مکده در .



« آوروپا مدنیتی » سوزینی « شرق وحشی » تعبیری مقابلهنده
قوللالمق یک چوق غرب محررلرنجه براعتیاد حکمنه کچمشددر . تعبیر

دیگرله: آوروپانک شو تحکم و تفوق دورنده نصرانیتهک هیأت اجتماعیه سندن برینه منسوب اولمیان بر خلق غالباً متمدن عد اولمق ایستلمیور.

شو «مدنیت» سوزینک معنای حقیقیسی نه اولدیغنی آکلایه بیلیمک اولیه بر مسئله درکه شرقی بر اهل تدقیق جداً شاشیرتسه کر کدر. او اهل تدقیق آوروپا مؤلفاری طرفندن یازیلان و بوکبی مواد خصوصنده مأخذ اولان آثاره مراجعت ایتسه آکلارکه غربیلرجه قطعاً غیر متمدن صاییلان بر نیجه اقوام... او آثارده کی تعریفله نظراً... متمدن افراد بشردن عد اولمق لازم کلور. بوندن ماعدا او شرقی اهل تدقیق مذکور آثارده تعریف ایدیلن صفات تمدنی آوروپالیلرک عمل و حرکتلریله... و علی الخصوص آسیا و آفریقاده کی عمل و حرکتلریله... مقایسه ایتش اولسه آوروپا ملتلرندن بعضیلرینک «متمدن» صفتیه هیچده لایق اولمقلرینه حکم ایلر؛ چونکه قوه مقاومتی محدود اولان شرق اقوامنک استقلال مایلرینی الفا ایتک، موجود اولان مؤسسه لرینی یا تغییر و یا احیا ایتک، اجداددن منتقل اولان و آنلرجه معزز صاییلان هر شیء یا افساد ایتک و یا چیغرنندن چیقارمق کبی حرکتیه «تمدن» شکلی ویریه من. بالعکس بو کبی معاملات او مترقی فرنکلرک حسیاتنده اباً عن جد موروث بر نوع هوس و حشیانه نک حالا حکمفرما اولدیغنی اثبات ایلر. کذلک، ینه او شرقی اهل تدقیق نظرنده... نتیجه تبع اوله رق... میدان بر حقیقت چیقارکه اوده ذکر کثرتله تکرر ایدر «مدنیت» سوزینک بر تعریف مهمدن عبارت بولنسی و حتی فرانسزلرک La Grande Encyclopédie نام قاموسلرندن [۱] اعتراف اولدیغنی اوزره «مدنیت» کلمه سنه بر تعریف صحیح اعطاسنک کوچ اولمیسیدر.

حقیقت مسئله بومرکز ده ایسه ده مادام که آوروپانک شرق اوزرنده کی تحکمی دوام ایدوب کیتمکده در، احوالده بو تحکمک دوامنه بر مخالفت فعلیه وقوعه کلدکجه شرقیلر «غیر متمدن» دیه تصویر ایتک آوروپالیلرک منفعتی اقتضاسندن بولنه جقدر؛ زیرا آوروپالیلر اقوام شرقیه آرسنه ادخالنی در عهده ایلدکلری شومیهود «وظیفه تمدن» لرنده بوسیله ایله بر صلاحیتیه مالک بولنش اولیورلر.



اقوام شرقیه آرسنده اک زیاده تحکم افرنجه معروض اولانلر لوی اسلامه تابع بولن ملتلردر؛ چونکه بولملر آفریقانک بحر محیط اطلاسی ساحلندن تافق قاسیایه قدر اولان جهتلرده و تام آوروپا قطعه سنه مقابل قطعات مالکده ساکن اولدقلرندن غرب مدنیتنک پیشدارلرینه جولانی قولای بر میدان فعالیت عرض ایتمکده درلر. آوروپا مدنیتنک غیرت کشاریله مباحثیه کیریشوبده «دها بر قاچ عصر اولنه کلنجهیه قدر اهل اسلامک کرک تعالی فکر نیجه و کرک ترقی مادی جهتیله آوروپا خلقنه متفوق بولندقلری و حتی قرون وسطاده مسلمانلر آرسنده کی ترقیات علمیه سایه سنده اوزمانلر قسماً باربار بولنسان

[۱] مذکور قاموسک اون برنجی جلدی ۵۴۳ هجری صحیفه یه باقیله.

افرنجک اوصاف متمدنه انسانییه دائر بعض شیلر اوکر نمکه باشلمش اولدقلری «بولنده سرد ادله ایتک بیهوده در. بو آدملر دلائل تاریخییه قارشو کوز یومیورلر؛ بیلیمورلر و یا بیلیمک ایستیمورلر که اهل صلیب آرسنده اک آز متعصب اولانلر واک زکی بولنلر دشمنلری اولان مسلمانلر آرسنده اتخاذه شایان اوصاف حسنه موجود اولدیغنی کوردیلر و شرقدن آلدقلری وسائط ترقی سایه سنده آوروپا مدنیتنک انشراحنه خدمت ایدیلر. عوام افرنجه معلوم اولمیان بو حقیقت بر خیلی فرنک مؤلفاری طرفندن اعتراف اولنه کیشدر [۱]

حال بوبله ایکن زمانزده... جاهل بر چینلینک بوتون اجنبیلره علی الاطلاق بار بار تسمیه ایتدیکی کبی... آوروپالیلرده علی العموم اهل اسلامه وحشی و یاغیر متمدن دیوب کیدیورلر. مسلمانلرک فرنکلرجه بو یولده تلقیسنه پکده تعجب ایلهمک اقتضا ایدر، زیرا اولجه ایما اولدیغنی وجهله بوبله بر ذهاب خلقک ذهنه سیاسیون و رجال دول طرفندن قصداً تلقین اولنیور. مقصدیمزی ایضاح ایدلم:

معلومدر که آوروپای غربینک هر طرفنده جدال معیشت کوندن کونه کسب شدت ایلکده در. دائماً تزايد ایده کلن احتیاجات اجتماعیه و مضایقات اقتصادیه نک مهمما ممکن تخفیفی و بناء علیه عامه ناس آرسنده حصولی ملحوظ اولان خوشنودسزلنک و غلیان افکار ایله جنک داخلی بی بادی اوله حق وسائلک اوکی آلمسی رجال دولجه بر امر اهمدر. بو مقصدک استحصالی ایچون اک بیوک چاره ایسه اولا: محصولات و معمولات ملییه شرقده یکی یکی محل فروخت بولمق، ثانیاً: عادتا اردولر تشکیل ایده جک قدر عددلری تزايد ایده کلن مأموریت طالبلرینه شرق منصبلری تدارک ایتک، ثالثاً: نفوس زائدهیه مواقع مهاجرت تأمین ایلکدر. یکی یکی بازار فروخت بولنسی و تشبثات کسبیه ایچون، قسمت آلامق ایچون یکی یکی میدانلر تدارکی ایسه اولیه قولایلقه وقوع بولماز؛ زیرا بو خصوصات چوق کره تشبثات حربیهیه احتیاج کوسترر، حرب ایسه پارهیه توقف ایدر. ایمدی رجال دول و سیاسیون رسمیت دائره سنده اوله رق... بر مسلک عوام پسندی اتخاذه ایدرلر؛ یعنی محرک فساد اولان عادی پولتیقه جیلر کبی عوام ناسک ملاحظه منطقیه دن مجرد اولان «حسیات و ظنپورانه» سنی اجتماعات عمومیه ده ایراد ایتدکلری نطقلره و جرائده یازدقلری و یا یازدیردقلری مقاله لر ایله متصل تخریش ایدرلر. بو فصاحتلرده، بوبلا غتلرده شرف ملی و شان لوی ملت بر اعتنای مخصوص ایله تکرار بتکرار ذکر ایدیلرک ناسک حسیاتی اوقشانور. شرقده یکی فتوحاته کیریشمک پک جدی برایش اولدیغندن تشبثات حربیهیه حقلی کوسترمک لازمدر. بوندن طولانی ضبط و استملاکنه نظر طمع عطف ایدیلن بر شرق مملکتنک احوالی غایت الیم، غایت مشوش بر حاله تصویر ایدیلور. و او مملکتنک اهلنه بیک درلو مساوی اداریه نک، نیجه افعال وحشیانه نک مسئولیتی

[۱] استشهاداً فرانسه لی مشهور Guizot نك Histoire de la Civilisation en Europe

عنوانی کتابی ذکر ایدرز. سکنرنجی فصل.

اوروپا ملک ممالک عثمانیه ده ساکن سائر اقوام خرسیتیانیه حقننده کی تحریکاتی حال حاضرده تأثیرینی غائب ایتیش کی کورونویور. فی الواقع بواقوام اوروپا ملک تشویقاتی نتیجه سنده آنجق تحمل سوؤ بر اجنبی تابعیتنه کیرمکدن باشقه برشی پایه مش اوله جقلمش فرقنه وازیورلر. زیرا فنلاندیانک، قفقاسیه نک، لهستانک، حاصلی بتون اوروپا مستملکاتنک باشلرینه کلنلری و ممالک مذکورده ده یالکز مسلمانلرک دکل خرسیتیانلرک بیله کوله کی قولاندقلرینی کوزلریله کورویورلر.

مع مافیه اوروپا بینه عین یولده یورومکده دوام کوستریور، زیرا کرک تجارقی کرک فضله نفوسی ایچون یکی یکی طوبراقره محتاج بولوندینی جهته باشقه دولو حرکت ایده من.

بونک نتیجه سی اوله رق راهبری، معلملری، بومقصدله قولاندینی سائر بیك چشمید مأمورلری فعالیتلرینی آرتیریورلر. ذاتاً اونلرک بوقدر جوق چالشمه به حقلمی وارد، چونکه بو، اصل کنندی ملتینک منافعه خادمدرد. بونلردن کنندینی مدافعه ایتک عثمانیلره دوشن بر وظیفه در. اوروپا ساحه فعالیتنی کنیشلتمک آرزوسنده بولوندیغدن شمدی ده بالذات مسلمانلر آراسنه تفرقه صوقق ایسته یور. بونک ایچون دخی قومیت کی، خلافت عربیه کی برطاقم فکرلری اورتیه آتیور.

بوفکره خدمت ایچوندرک روسیه حکومتی کنندی مملکتنده بولونان تانارلرک فکر ملیلرینی حمایه ایدیور. چونکه بوضورتله تانارلر ایله اصل ترکلری بری برندن آیرمش اوله جغنی بیلیور. کذلک اوروپا لیلر توننده، مصرده، سوریه ده وسائر یرلرده مستقل قالمق وخصوصی وطنلر تشکیل ایتک مقصدیله بسله ن فکرلرک یک عالیجناب مدافعلمی کسلیورلر.

آسیای وسطیده، دها کچنلرده بخاراده اولدینی کی، سنیلرله بشیعلری بری برندن آیرد ایتیه چالیشورلر. فقط الارنده کی الک بیوک سلاح، الک اول، (خلافتی عربلره ویردیرمک) سیاستدر.

فی الحقیقه عرقلردن غرور کتیرن، بردفعه ترک خلافتی محو ایتدکن صوکر اوروپا ملک عرب برخلیفه یی رسماً تصدیق ایده جکنه ایتامق قدر بر صافدلاک کوسرتنلر ایچون بوفکر یک جاذبه لیدر.

بوفکرک مدافع وناشرلری بر قاچ سنه اول (وطن عربی) نامنه، ایلک خلیفه لک پارلاق وشرقی خاطرلمی نامنه بیاننامه لر، کتابلر نشر ایتدیلر. بو پروپاغانده هیچ برنمره ویرموردی. زیرا اوکی مشوقلرک نه مسلمان، حتی نه ده عرب اولدقلرینی و آنجق ملتیلرینی دکیشدیرمش برقاچ اهمیتلر کیمسه دن عبارت بولندقلرینی عالم اسلام یک چاپوق فرق ایتدی. فقط بوکون قوتلی

قومیتلر شکل ایتسه؛ دور سابقده دولت عثمانیه یی الارنده طوتان مستبدلرک برلشهرک و قتیل زوالی عثمانی ملتندن چالقلری بارلر سایه سنده (عزت، منیر وشرکاسی) عنوانیله بوتون عرب ممالکنده خلافت عربیه لهنه و ترکلر علیه مدعش پروپاغانده لر پایه لری مسئله نک و خامتی بوتون بوتون آرتیرمشدر.

اوروپا دولتلری عزتلری، منیرلری بومقصد مششوملرینه موفق اولقی خصوصنده مدافعه وحمایه ایتهمش اولسه لردی اونلر بویله برشیته ناصل تشبث ایده بیلیرلردی.

شمدی به قدر، اوروپا ملک وطن عثمانی علیه ده قولاندینی دسیسه لری خلاصه کورمش اولدق. فقط دولتلر بونکله قناعت کتیرمیرک سائر مسلمانلری ترکلردن نفرت ایتدیرمک ایسته مشلردر. هدفلرینه واصل اولقی ایچون اوروپا لیلرک مهاجعت ایتدکلری یول، علوم و فنون جدیدی وعلوم مذکوریه موافق وسائط صناعیه یی تمثیل و تطبیق ایتلرینه خادم اولقی اوزره دکل، فقط طبیعتلرینی تماماً دکیشدیرمک و بوضورتله اونلری سائر مسلمانلره بردها بکرتهمک مقصدیله ترکلرک کوزلری اوکنده اوروپا یی دائماً برمشق تقلید کی کوسترمکدن عبارتدر. چونکه اوروپا بردفعه بوغایه به وارنجه ترکلری استناد کاهسز بیراقش اوله جق و بویله لکله اونلری قولایجه کنندی تابعیتی آلتنه آلابیله جکدی.

اوروپا ملک علوم و فنونی نشر و تعمیدن مقصدی، آنجق، اقوامی

اسناد اولنور، حقیقتده اومساوی و او شورش موجود اولسه بیله وسائط خفیه و دقیقه ایله احداث ایدیلورک بو حال شرقده اوروپا دیپلوماسیسنک جریان معاملاتنی ترصد ایدنلرجه معلومدر. ایشته بو سرد اولنان طرز لرده مشرق اسلامده کنندی حکومتلرینی، کنندی اداره لرینی تأسیس ایچون اوروپا مدنیلری بر صلاحیت قزانمش اولورلر.



غربک شرق اوزرنده کی تحکمی مسئله سی اهمیت عظیمه سیاسییه یی حاوی مسائلدن اولدیغدن شرقیلرک اوباده کی نقطه ملاحظه سنی ایلریده ذکر ایده جکدر. دول مفخمه نک شرقده کی «وظیفه تمدنی» لری عالم نصرانیت میسیونرلرینی غربک عادات وارکانی و اشکال مذهبییه سنی شرقه ادخال ایچون تشجیع ایتدکده در. فی الواقع شیمدی به قدر بو اوغورده نیجه امکلمر صرف ایدیه کلش ایسه ده ارکان وطرق نصرانیتک تحکیم سیاسی افرنج درجه سنده بر موفقیته شرقلیره قبول ایتدیریه. میه جکننده کی ظنلر قوت بولمده در. علی الخصوص مشرق اسلام خلقنه بو باده وقوع بولان ابرام و تشویقلر صدره شفا ویرر هیچ بر تأثیری موجب اوله میور. اهل اسلامک فکر ساله مالک اولان افرادی اومدن اوروپا ملک اخلاق وارکاننده کی نقاط سخیفه یی یک ای ادراک ایدرلر. اوروپا لیلرجه اتباع ایدیان ارکان نصرانیتک ایسه اهل اسلام ایچون موجب الهام مغوی اوله بیلمک مزایاسندن بری اولدینی یقیناً آکلارلر. کرک خرسیتیانلق و کرک اکثریا مدنیت خرسیتیانیه عنوانی طاقیلان وعلویتی یک جوق مبالغه لر ایله اعلان اولنان - اوروپا مدنی حقننده اهل اسلامک کنندیلرینه مخصوص ملاحظاتی واردرک بر آتی ده کی فصللرده بو ملاحظاتک سردینه نچالیشه جغز.

حرکته شیخی زاده

خلیل خالد



«کرسی ملل» ده:

اوروپا ملک شرق سیاستی

دولت علیه یی تعرضات خارجیه دن قورومه به یارایه جق و یک قولای و مؤثر بر صورتده قولانیله بیله جک اولان وسائطی دقیقه باشلامه دن اول، اوروپا ملک ترکیا اجزای ممالکینی بری برندن آیرمق و بوضورتله ایراث ضعف ایتک اوزره مهاجعت ایله دیکی طریق حرکتی کوزدن کچیرمه من لازم کلیر.

بدایتده اوروپا اقوام خرسیتیانیه یی آیاقلاندیرمق طریقنی طوتدی و خرسیتیانلق بهانه سی آلتنده اسلام عنصرلرینه قارشنی دائمی سفرلر، محاربه لر ترتیب ایتدی. بوضورتله درکه، اسکی ملت خاطرلمی ایلری سوروله رک، یونانستان تابعیت عثمانیه دن چیه یارلیدی. فقط اوروپا ملک بوندن مقصدی یونانستان مستقل برقرالقی حالته قومیش اولقدن زیاده، دول معظمه النده صادق برر آلت اولان اجنبی حکمدارلرک تحت اداره سنده مسلمانلق علیه به برپیشدار قولی حصوله کتیرمکدی.

بالفان کوچوک حکومتلری ده عین صورتله، فقط بودفعه اسلاولق بایراغی آلتنده اولقی اوزره، شکل ایتدیلر.